

Хул 1271

Камфиде

Шкафъ

XXX

Март 1916г

1914



天主降生一千八百八十四年

代亡人祈經

歲次甲申孟夏鑄

都京大俄國聖母堂藏板

天主科論一千八百



代亡人祈經

司祭曰

我等天主。實為讚揚者。自今至恆久。及無窮世。唱經唱阿民。

聖天主。聖勇毅。聖常生。矜憐我等。三次

榮光於父及子及聖神。自今至恆久。及無窮世。阿民。

至聖三者矜憐我等。主潔淨我等罪惡。君赦免我等愆尤。聖臨蒞而療我等疾。悉因爾名。

主矜憐我等。三次

榮光於父及子及聖神。自今至恆久。及無窮世。阿民。

在天我等父。我等願爾名。見聖。爾國臨格。爾旨承行於地如於天。

求今賜我等日用之糧。而免我等債。如我亦免負我等債者。又不  
導我濟於誘惑。乃救我濟於凶惡。

司祭曰

因凡國及權能並光榮。皆係於爾聖父及子及聖神。自今至恆久。  
及無窮世。誦經誦阿民。

主矜憐我等。十二次。

榮光於父及子及聖神。自今至恆久。及無窮世。阿民。

請眾叩拜天主我等主宰。

請眾叩拜俯伏天主合喇斯托斯我等主宰。

請眾叩拜俯伏天主合喇斯托斯我等主宰臺前。

聖詠第九十章

凡居至高之覆中。必獲息於全能之蔭。向主曰。我之投避。及我之  
護佑。我所冀望之天主。彼必救之於畋獵之網。及瘟疫。以己之羽。  
覆爾於其翼下。必無礙。其真理如盾如垣。爾必不懼昏夜之震驚。  
及晝之飛矢。及黑暗所行之瘟災。及午間所傷之瘴疫。千人仆於  
爾側。萬人仆於爾右。且不近爾。但爾目親視之。見其受惡罪之罰  
報。蓋爾謂主。乃我之倚望。爾擇至上者為投避。惡弗能遵於爾前。  
疫弗能侵爾居。蓋命天神護爾。守爾於所行之諸途。其必以手扶  
持爾。弗令爾足蹶於石。踐螻蛄。踏獅及龍。因其愛我。而我救之。  
我覆之。因其識我之名。呼籲我。我必聽之。於憂患時。我借之拯之。

榮之以恆久度生鑿足之及獲見我之救。

榮光於父及子及聖神自今至恆久及無窮世阿民。

阿利魯伊阿阿利魯伊阿阿利魯伊阿讚揚爾天主。三

大聯禱

我眾宜安和禱主。唱經唱主矜憐。

為自上賜安和及救我等靈禱主。唱經唱主矜憐。

為赦善終者罪愆禱主。唱經唱主矜憐。

為賜天主之亡僕某安和靜息善名禱主。唱經唱主矜憐。

為赦其由己不由己諸罪禱主。唱經唱主矜憐。

為伊等不致審案而立赫顯天主威嚴寶座前禱主。唱經唱主矜憐。

為號泣哀憐及望獲合喇斯托斯撫恤者禱主。唱經唱主矜憐。

為釋伊等衷情之疾苦憂患慨歎而居於天主前所光照之處禱

主。唱經唱主矜憐。

為我等主天主安置伊等之靈於光明榮茂平安諸聖安置之所。

禱主。唱經唱主矜憐。

為體合伊等於阿烏喇阿木伊薩阿克亞闊烏之懷抱禱主。唱經

唱主矜憐。

為免我等苦患忿鬱危難禱主。唱經唱主矜憐。

求天主恃爾恩寵保佑拯救矜憐護惜我等。唱經唱主矜憐。

我等求以主恩並天國與罪赦賜我眾及伊等且各將己身及眾

人互兼以吾等生命共獻付於吾等主合喇斯托斯。唱經唱予爾  
吾主。

司祭朗誦曰

我等天主合喇斯托斯係爾亡僕。某復活常生安慰我等讚頌爾  
偕爾無原聖父及至聖至善施生活爾神自今至恆久及無窮世。

唱經唱阿民。

第八調 阿利魯伊阿

聖詠一句 主歟。福哉爾所選進於爾者。又一句以其記之於世。

又一句其靈將處於福。

小讚詞第八調

吾主獨一造物者。因仁慈盡成極深智慧。並賜我諸益。祈安置爾  
亡僕之靈。因其倚賴造物之天主。

榮光

云云自今

我眾以爾為城。為投歸之處。為向爾所由生之天主轉達。因爾婚  
而不媾之聖母。係誠信者之拯救。

又唱小讚詞第五調

主爾係被讚揚者。求以爾誠訓示我。

諸聖之會獲常生之源。及天國之門。願我以痛悔亦覓此。我係亡  
羊祈救世者呼起救我。

主爾係被讚揚者。求以爾誠訓示我。

代亡从祈經  
聖致命者傳天主羔。亦如羔被屠而獲不老之常生。故祈盡心代  
祈主。免我等債。

主爾係被讚揚者。求以爾誠訓示我。

凡行極狹極窘之途者。並負十字架重軛以度生。而秉信從我之  
眾請就我。享受我所預備之尊榮及天國冠。

主爾係被讚揚者。求以爾誠訓示我。

我雖軀代罪之傷。仍爲爾不可言之榮光像。求主宰錫鴻恩於爾  
所造之物。因爾仁慈潔淨之。且賜我歸極愛之我原國。仍准我爲  
居天堂者。

主爾係被讚揚者。求以爾誠訓示我。

爾昔由虛無肖爾尊像造我。因我干爾命。俾我由何土所造仍歸  
斯土。祈賜肖前所錫之舊榮華復於我。

主爾係被讚揚者。求以爾誠訓示我。

祈天主安置爾僕於天堂。於其處眾聖人成德者如三光輝耀。再  
祈主安置爾僕。而輕視其諸罪。

榮光於父及子及聖神。

我等恭敬稱頌三輝之獨一天主。頌曰。聖哉。無原父。偕無原子及  
天主神。求光照我等秉信事奉爾者。並援之於永火。

自今至恆久。及無窮世。阿民。

慶哉。滿被聖寵至潔。爲救人而生。受人體。天主之聖母。以爾故人

皆得救贖我等緣爾得天堂。

阿利魯伊阿。阿利魯伊阿。阿利魯伊阿。讚揚爾天主三次

輔祭誦小聯禱

我眾復又宜安和禱主。唱經經主矜憐。

復祈禱安置爾亡僕某之靈。又赦其由己不由己諸罪。唱經唱主

矜憐。

願主天主安置亡人靈於諸聖所安置處。唱經唱主矜憐。

我等求常生天主主宰合喇斯托斯。賜己恩及天國於亡僕。而赦

其罪。唱經唱求主賞賜輔祭曰我眾禱主。唱經唱主矜憐。

爾昔司祭默誦祝文如左因死干爾命由爾土

諸靈形之天主。踏死之權。並消毀魔制於普世施生活之主。特祈

安置爾亡僕某靈於光明榮茂平安。並絕疾病憂鬱慨歎之所。仍

求至善愛人之主。赦其思言行所為諸罪。因世人無不犯罪者。惟

爾獨一無罪。爾義無窮。爾言至確。

朗誦曰

我等天主合喇斯托斯係爾亡僕某復活常生安慰。我等讚頌爾

偕爾無原聖父及至聖至善施生活爾神。自今至恆久。及無窮世。

唱經唱阿民。

人香又誦坐誦之詞第五調

我等救世者。祈偕成德者安置爾僕。及賜之居爾室。如經之所云。



自今云

求至潔聖母代祈爾無夫所孕所生之子。賜安慰於爾亡僕。

歌頌之三

首詞

造成天涯及建教會之主。求堅固我於爾之愛。因爾獨一愛人者。係人所極願及眾信之堅固。

求主安置爾亡僕之靈。

求獨一慈憐之合喇斯托斯安置爾亡僕之靈。於榮茂平安諸聖快樂之所。

求主安置爾亡僕之靈。

求主宰以盡心事奉爾者。及負爾軛者使之歸諸聖所居之處。因爾乃獨一生死之主宰。

榮光云

求全能天父及其獨一子。及由其所出之聖神。輕置亡人之罪惡。而居之於首選之會。爲其克偕爾所喜者。同讚揚爾。

自今云

至聖瑪喇阿。因爾乃至聖天主之母。萬物之宰后。求爾偕諸聖代祈安置爾亡僕之靈。於天上之居處。

合頌詞

造成天涯及建教會之主。求堅固我於爾之愛。因爾獨一愛人者。

係人所極願及眾信之堅固。

輔祭誦小聯禱如前 司祭默誦祝文如前 朗誦畢唱坐

誦之詞第六調

誠哉全係紛擾。人生如影如夢。故居此世者。徒紛擾。誠如經云。我等獲天下。殆入於柩。而帝與丐無殊。故祈天主。令喇斯托斯安置爾亡僕。因爾乃愛人者。

榮光云云

自今云

云

至聖母毋遺忘我於在世時。毋使他人護佑我。乃親護惜矜恤我。

歌頌之四

首詞

吾主我聆爾掌世之機密。明悉爾事。及讚爾天主尊位。

求主安置爾亡僕之靈

下地獄攜爾諸死者。偕爾上升之令。喇斯托斯歟。求救世者。安置今所逝世之人。因爾乃鴻恩者。

求主安置爾亡僕之靈

除爾主宰之外。無一無罪者。故求救免現今逝世者之罪惡。使之居天堂。

榮光云云

爾口對

求聖三者。聆納代亡人獻爾之禱聲。而以爾天主之光。光照其為世幻所迷暗之靈。

自今云云

至潔童貞女。爾無夫而生。全為天主。全為人。負普世罪者。求宰后代祈伊。賜安於爾亡僕。

歌頌之五

首詞

吾主求以爾訓啟牖我等。愛人者以爾剛臂賜我等爾之安和。

求主安置爾亡僕之靈。

求掌生死權之天主。合喇斯托斯。安置逝世者。因爾乃眾人之拯

救。安慰常生。

求主安置爾亡僕之靈。

亡人今離我儕而倚望爾救世者。故祈主施之以宏恩。因爾乃至

慈之天主。

榮光云云

求滿被讚揚之聖三主宰。光照我眾祈禱爾者。賜我儕獲天上之平安。而安置逝世冀望常生者之靈於平安之所。

自今云云

求至潔童貞宰后。今代祈爾子脫離逝世者之靈於左。因爾乃救世天主之母。

歌頌之六

首詞

我欲以祈禱傾注於主前。我以憂患告於伊。因我靈惡滿。我生命近至地獄。我如伊鄂納籲曰。求天主由朽壞處提援我。

求主安置爾亡僕之靈。

天主主宰。爾敗壞地獄。凡自原始死者。俱使之復活。今祈安置離我眾而逝世者。於阿烏喇阿木之懷中。赦免其罪惡。因爾乃慈憐者。

求主安置爾亡僕之靈。

諸逝世者。藉我儕向爾施宏恩者。呼籲曰。天主歟。我背爾所予我之誠命。而為死者。今求爾下墳墓復活。自原始死者。靈之天主主宰。勿扶起我使受難。乃賜我安慰。

榮光云云

我等求爾無原始聖父及子及聖神造萬物救世之天主。在害靈世界所敗壞之靈。就至爾。祈毋使其陷於地獄之深淵。

自今云云

至潔者歟。我等天主合喇斯托斯。自天降臨於爾。如昔雨露於羊毛。飲天下枯乾不識天主之泉源。而以其智慧光滿普世。故求童貞女代祈安置爾逝世之僕。

合頌詞

我欲以祈禱傾注於主前。我以憂患告於伊。因我靈惡滿。我生命近至地獄。我如伊鄂納籲曰。求天主由朽壞處提援我。

輔祭誦小聯禱如前曰司祭默誦祝文如前時朗誦畢唱經

唱副讚詞第八調

祈合喇斯托斯安置爾僕之靈。偕諸聖於無疾無憂無慨歎。而有常生之所。

行述讚

主獨一無死而造人者。我等世上人由土所造仍歸斯土。按爾造

我時會命我儕曰。爾係土仍歸土。我等咸向彼去。以弔喪號泣而

歌曰。阿利魯伊阿三次。爾派我財其謝祭。謝祭之樂。爾所予我

歌頌之七

首詞

由伊烏疊亞至瓦微隆之幼童。以信聖三而踏火燄。歌曰。我等祖

父之天主。實為讚揚者。天主曰。我重。宜讚揚。眾同聲宜讚

求天主安置爾亡僕之靈。

求天主合喇斯托斯主宰欲審判普世時。寬恕由我所收爾僕之

靈。向爾呼籲之曰。我等祖父之天主。實為讚揚者。

求主安置爾亡僕之靈。

合喇斯托斯歟。曾事奉爾諸聖之靈。獲天堂快樂之所。今亦求聯

合爾僕之靈。向爾歌頌之曰。我等祖父之天主。實為讚揚者。

榮光云云

以三位被讚頌者。昔救伊烏疊亞三幼童於火。今求脫免永禍於

爾亡僕。以誠信向爾呼籲之曰。我等祖父之天主。實為讚揚者。

自今云云

至潔者歟。伊薩亞稱爾為杖。達尼伊泐稱爾為未鑿之山。耶捷乞  
伊利稱爾為合喇斯托斯所過之門。而我眾則讚美爾真為天主  
之母。

歌頌之入曰

哈泐疊阿之虐人者狂怒為敬主者爨火窰。烈加七倍。乃見伊等  
以他盛能獲救。向救人造物之主曰。幼童等宜讚揚。眾司祭宜歌  
頌。眾人宜稱美之於無窮世。童以詩聖三而讚火窰。海曰。走等

求主安置爾亡僕之靈。

主歟。逝世者。遺忘其所行世路而就至爾。藉我眾向爾呼籲曰。求  
天主合喇斯托斯赦免我之罪惡。於大審判時勿定我罪。因我以  
誠信向爾歌頌曰。主所造之物應讚美主。歌頌稱揚之於無窮世。  
求主安置爾亡僕之靈。

求主宰安置負爾軛及荷爾輕負者之靈。於爾諸聖之所。其所負  
不全。第常向爾救世之合喇斯托斯呼籲曰。幼童等宜讚揚。眾司  
祭宜歌頌。眾人宜稱美之於無窮世。

我等讚揚主。聖父及子及聖神。

無原始之聖。三天主父及子及聖神。求聯合爾亡僕之靈於諸聖

代之人祈禱  
之會。並免其永禍。爲其於世。世克讚頌爾曰。幼童等宜讚揚。眾司祭宜歌頌。眾人宜稱美之於無窮世。

自今云云

聖女歟。諸先知以先見之目。先見爾。且預言。或稱爾爲杖。或稱爾爲東門。或稱爾爲人所不可鑿之山。而我眾則承認爾爲萬物之天主所由生之母。並求代祈安置亡人於世世。

歌頌之九

首詞

天驚畏地界駭異。因天主藉人形而顯現於人間。並聖母腹量較天寬洪。故天神及人會讚揚爾爲天主之母。

求主安置爾亡僕之靈。

吾主救世之伊伊穌斯歟。爾以仁慈負阿達木之罪以受死釋眾人之死。故我眾祈爾慈憐者。安置逝世者於聖人之所。因爾乃獨一至善良矜者。

求主安置爾亡僕之靈。

慈憐者歟。除爾獨一負普世罪之伊伊穌斯合喇斯托斯外。無一弗犯罪者。故求潔爾僕之罪惡。而置之於諸聖之域。因爾乃凡爾所喜悅者之生活。安慰光耀及快樂。

榮光云

凡人類咸駭異。觀無原父之獨一子。藉聖神感動由童貞女受人

體而如人。受難死。爲使眾死者復活。故我一心求爾以離我儕而逝世者。安置之於常生者之處。因爾乃至善者。

自今云

至潔者歟。我眾稱爾爲不可見之聖父所聘。及爲藉聖神由爾受人體之聖子母。故我眾求爲爾亡僕代祈。緣我等在世者倚爾爲轉達。偕愛慕爾者以歌頌爲讚揚。

司祭日請眾以歌頌讚榮寵光之聖母。

唱經唱 吾主眾神眾成德之靈。必讚揚爾。

合頌詞

天驚畏地界駭異。因天主藉人形而顯現於人間。並聖母腹較量

天寬洪。故天神及人會讚揚爾爲天主之母。

聖三祝文 至聖三者云 在天我等父云

唱小讚詞第四調如左

祈愛人救世主。安置爾亡僕靈。與成德諸靈偕。並護其於爾福樂之常生。

吾主安置爾亡僕靈於成聖所安置處。因爾係獨一愛人者。

榮光云

天主降地獄。爲釋被鐵桔者。特祈爾安慰爾亡僕靈。

自今云

獨一至潔無玷童貞女。潔孕生天主者。代祈主救亡人之靈。

復誦重聯禱

求天主以爾大仁慈矜憐我。聆納我禱。並矜憐我等。唱經唱主矜

憐。三次此處為聯禱。其意謂天主憐我。我等亦當憐我人。此即

復祈禱安置爾亡僕。某之靈又赦其由己不由己諸罪。唱經唱主

矜憐。三次爾亡僕之靈。因爾之靈。而憐我人。此即

願天主安置亡人靈於諸聖所安置處。唱經唱主矜憐。三次

我等求常生天主主宰合喇斯托斯。賜已恩及天國於亡僕而赦

其罪。唱經唱求主賞賜。輔祭日我等禱主。唱經唱主矜憐。

司祭默誦祝文如左天主慈悲父云云

諸靈形之天主。踏死之權。並消毀魔制於普世施生活之主。特祈

安置爾亡僕。某靈於光明榮茂平安。並絕疾病憂鬱慨歎之所。仍

求至善愛人之主。赦其思言行所為諸罪。因世人無不犯罪者。惟

爾獨一無罪。爾義無窮。爾言至確。聖人答

朗誦曰

我等天主合喇斯托斯係爾亡僕。某復活常生安慰。我等讚頌爾

偕爾無原聖父及至聖至善施生活爾神。自今至恆久。及無窮世。

唱經唱阿民。

輔祭日睿智。

唱經唱我等讚揚爾逾叶嚕微木而尊。逾些喇斐木榮光無

比。無損而生天主言。誠天主之母云。

司祭日 榮光爾天主合喇斯托斯我等之冀望。榮光爾。

唱經唱 榮光 云

自今 云

主矜憐我等 三次

並降福於我等

司祭誦發放詞如左

由死中復活之合喇斯托斯我等真天主。以己至潔聖母及以聖榮滿被讚揚之宗徒。及成德捧主神師。及諸聖之所禱。將居離我而逝世已僕之靈。與諸聖偕安置之於阿烏喇阿木懷內。列之於成德者。並矜憐我等。因其係至善愛人者。

求主賜爾亡僕某於福樂安息之常生。賜使萬世遺芳。

唱經唱 萬世遺芳 三次

